



UNIVERSITI TEKNIKAL MALAYSIA MELAKA

**PEKELILING PENTADBIRAN
BILANGAN 27 TAHUN 2011**

KELAYAKAN SIJIL KEMAHIRAN MALAYSIA BAGI MAKSUD PELANTIKAN KE UNIVERSITI TEKNIKAL MALAYSIA MELAKA (UTeM)

Pejabat Pendaftar
10 Jun 2011

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.05.03/100-3/2/1(27)

10 JUN 2011

PEKELILING PENTADBIRAN BIL. 27/2011

KELAYAKAN SIJIL KEMAHIRAN MALAYSIA BAGI MAKSUD PELANTIKAN KE UNIVERSITI TEKNIKAL MALAYSIA MELAKA (UTeM)

1.0 TUJUAN

Pekeliling Pentadbiran ini bertujuan untuk memaklumkan kepada semua staf Universiti Teknikal Malaysia Melaka (UTeM) mengenai keputusan Universiti atas perakuan Lembaga Pengarah Universiti Bil. 2/2011 yang bersidang pada 24 Mei 2011 untuk menerima pakai Pekeliling Perkhidmatan Bil. 1 Tahun 2011:Kelayakan Sijil Kemahiran Malaysia Bagi Maksud Pelantikan Ke Perkhidmatan Awam.

2.0 LATAR BELAKANG

Pada masa ini, kelayakan SKM Tahap 2 telah diperuntukkan sebagai salah satu syarat lantikan bagi beberapa skim perkhidmatan yang bersesuaian mengikut skop fungsi bidang tugas yang diperlukan oleh sesebuah perkhidmatan. Sehingga kini hanya skim perkhidmatan Tukang K2 (Elektrik) dan Tukang K3 (Kayu/Paip) yang memperuntukkan kelayakan SKM Tahap 2, diguna pakai sebagai salah satu syarat lantikan bersesuaian berdasarkan fungsi bidang tugas yang diperlukan oleh Universiti ini.

3.0 DASAR BARU

3.1 Sebagai memperluaskan pasaran lulusan aliran kemahiran dalam perkhidmatan awam, Universiti bersetuju supaya **kelayakan SKM Tahap 3 turut diperuntukkan sebagai salah satu syarat lantikan tambahan (optional) ke skim-skim perkhidmatan yang telah dikenal pasti bersesuaian selain daripada kelayakan SKM Tahap 2 serta syarat**

lantikan asal yang masih berkuat kuasa. Senarai skim perkhidmatan tersebut adalah seperti berikut:

- (a) Pemeriksa Kereta Motor Gred A17;
- (b) Ahli Muzik Gred B17;
- (c) Ahli Fotografi Gred B17;**
- (d) Jurusolek Gred B17;
- (e) Pengajar Kraf Gred E17;
- (f) Pembantu Pegawai Latihan Gred E17;
- (g) Juruteknik Komputer Gred FT17;**
- (h) Pembantu Perikanan Gred G17;
- (i) Penyelia Rancangan Tanah Gred G17;
- (j) Pelukis Pelan Gred J17;**
- (k) Pembantu Pegawai Latihan Vokasional Gred J17;
- (l) Penyelia Jurupakaian Ged N17; dan
- (m) Juruaudio Visual Gred N17.

3.2 Peruntukkan **syarat tambahan kelayakan SKM Tahap 2 dan SKM Tahap 3** bagi tiga belas (13) skim tersenarai di atas turut dibezakan dengan gaji permulaan mengikut kelayakan akademik yang bersesuaian. Namun, lain-lain perbekalan serta syarat yang terdapat dalam skim-skim perkhidmatan ini adalah kekal sebagaimana berkuat kuasa. Butir terperinci mengenai syarat lantikan serta bidang pengkhususan SKM bagi 13 skim perkhidmatan tersebut diterangkan dalam Pekeliling Perkhidmatan Bilangan 1 Tahun 2011.

3.3 Peruntukan kelayakan SKM dalam skim-skim perkhidmatan di atas adalah bagi maksud lantikan dikalangan calon baru atau pelantikan pegawai sedang berkhidmat secara Kenaikan Pangkat Secara Lantikan.

4.0 PELAKSANAAN

4.1 Pelantikan

Semua pelantikan ke skim perkhidmatan yang dinyatakan di perenggan 3 hendaklah menggunakan syarat lantikan baru yang ditetapkan dalam Pekeliling Pentadbiran ini. Bagi staf sedia ada yang tidak mempunyai kelayakan SKM di dalam bidang khusus yang dinyatakan sebagai syarat lantikan baru dalam skim perkhidmatannya masih menggunakan syarat minimum asal dalam skim perkhidmatan tersebut.

4.2 Pelarasan Gaji Bagi Pegawai Sedang Berkhidmat

Bagi pegawai sedang berkhidmat yang memiliki kelayakan SKM di dalam bidang khusus yang dinyatakan sebagai syarat lantikan baru dalam skim perkhidmatannya dan gajinya belum mencapai matagaji permulaan baru pada 1 Januari 2011, maka pelarasan gaji hendaklah diberi ke matagaji permulaan baru pada tarikh kuat kuasa berkenaan. Pelarasan gaji ini hanya diberi kepada pegawai yang belum mencapai matagaji permulaan baru pada 1 Januari 2011.

4.3 Tarikh Pergerakan Gaji

Tarikh Pergerakan Gaji (TPG) bagi pegawai yang terlibat dalam urusan ini kekal mengikut TPG asal.

5.0 TARIKH KUAT KUASA

Pekeliling Pentadbiran ini berkuat kuasa mulai 24 Mei 2011.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



HASAN BIN SIRUN

Pendaftar

Universiti Teknikal Malaysia Melaka

/ukp